

Peqqussutissatut siunnersuut pillugu oqaaseqaatit

Oqaaseqaatit nalinginnaasut

1. Aallaqqaasiut:

Innarluutilinnut tunngasut kommuninut nuunneqarnerat:

Kommunit agguataarneqarnerannik angissusiinillu tunngaviummik allanngortitsisup ingerlanneqarnissaanik Inatsisartut aqqissuusseqqinnissamik aalajangiinerat annertuumik innarluutillit ikiorserneqartarnerat pillugu Inatsisartut peqqussutaannik allanngortitsinermut pissutaavoq. Tamatuma kingornatigut aallaaviulersoq tassaavoq pisortat ingerlatsinermi suliassat kommuninit tiguneqassasut, Namminersorlutillu Oqartussat tassaassasut inatsisiliortut kommunillu ingerlatsinerannik nakkutilliisuusut.

Naalackersuisut KANUKOKA-llu akornanni isumaqatigiissutigineqarpoq innarluutilinnut tunngasut 1. juli 2010-mi kommuninut nuunneqassasut. Tamatuma nassataraa aningaasaliisarnermut oqartussaassutsip aamma aningaasaqarnermut akisussaaffiup nuunneqarnissaa. Taamaattorli annertuumik innarluutilinnut ulloq unnuarlu paaqqinnittarfiit pillugit ingerlatsinermut suliassat Naalackersuisuniiginnarallassapput.

2. Siunnersuummi immikkoortut pingaarnerit:

Innarluutilinnut tunngasut kommuninut nuunneqarnerat:

Siunnersuutip tamatuma siunertaa tassaavoq pisortat immikkoortuini innarluutilinnut tunngasuni suliassat nutaamik agguataarneqarnissaat. Allanguutissatut siunnersuutip nassatarissavaa innarluutilinnut tunngasunut akisussaaffiup aningaasalersorneqarneratalu, matumanilu annertuumik innarluutilinnut, kalaallit oqartussaasuinit Danmarkimut inissinneqarsimasunut, ikiorsiisarneq ilanngullugu eqqarsaatigalugu Namminersorlutik Oqartussaniit kommuninut nuunneqarnera. Annertuumik innarluutilinnut ulloq unnuarlu paaqqinnittarfiit pillugit ingerlatsinermut suliassat Naalackersuisut susassaqarfiginnarallassavaat.

Allanguutissatut siunnersuummi tamatuma kingornatigut malittarisassat kommunit innarluutilinnut tunngasunik aqutsinermi maligassaat aalajangersarneqarput. Aammattaaq innarluutilinnut tunngasuni pisut arlallit pillugit malittarisassat erseqqinnerusut Naalackersuisunit aalajangersarneqarsinnaanerannut inatsisikkut

tungavigisassaq atulersinneqarpoq. Siunertaavoq Naalackersuisut inatsisikkut tungavigisassaq taanna annertuumik innarluutilit ikiorserneqartarnerat pillugu nalunaarummik nutaamik aalajangersaanermi atussagaat.

3. Pisortanut aningaasaqarnikkut aqutsinikkullu kingunerisassai:

Aningaasaqarnikkut kingunerisassai:

Allannguutissatut siunnersuutip nassatarissavaa innarluutilinnut tunngasut kommuninu nuunneqarneranni aningaasartuutit naliginik matussuserneqarnerat. Makkununga aningaasartuutit pineqarput:

- Kalaallit Nunaanni Danmarkimilu ikiorsiissutit. Ikiorsiissutit tassaasinnaapput iluaqusersuutit, tapersersortitit ikiorteqartitsinermit nalunaaquttap akunneri atorneqartut, oqilisaassineq, tikeraarluni angalanerit, inissianik innarluutilinnut naleqqussaalluni aaqqissuussineq il.il. Aningaasartuutit taakkua ullumikkut konto pingaarnermi 30.13.03-mi aningaasartuutit ilaattut, ”Kalaallit Nunaanni Danmarkimilu innarluutilinnik isumaginninneq kiisalu kommuninut misileraalluni nuussinermi” aningaasartuutit ilaattut takuneqarsinnaapput.
- Annertuumik innarluutilinnut ulloq unnuarlu paaqqinnittarfiit aamma paaqqinnittarfiit avataaniittut tamarmik. Innarluutilinnut nuna tamakkerlugu paaqqinnittarfiit arfiniliusut aamma paaqqinnittarfiit avataaniittut tallimat Qaqortumi, Paamiuni, Nuummi, Sisimiuni, Maniitsumi, Ilulissani aamma Ammassalimmi, kiisalu Uummannami inissisimasuupput. Innarluutilinnut paaqqinnittarfiit assigiinngitsutigut innarluutilit amerlasuut isumagisaraat, soorlu eqqarsartaatsikkut kinguarsimasut, timikkut tarnikkullu annertuumik nappaatillit, inuusuttunut inersimasunullu tarnip nakorsaani misissuisitsinerit kiisalu meeqqat inuusuttuaqqallu annertuumik innarluutilit. Innarluutilinnut paaqqinnittarfinnut paaqqinnittarfinnullu avataaniittunut aningaasartuutit kontomi pingaarnermi 30.13.41-mi; “Innarluutilinnut paaqqinnittarfiit”-mi takuneqarsinnaapput.

Aningaasartuutit suliasami pineqartumi ukiuni kingullerni pingasuni atuisimanerit agguaqatigiissinneqarnerat aallaavigalugu aalajangersarneqassapput. [Ilanngussani oqaaseqaatinut erseqqissaanerit.](#)

Aningaasaqarnikkut inaarutaasumik kinguneritassat KANUKOKA-p aamma Namminersorlutik Oqartussat akornanni isumaqatigiinniarnikkut aalajangiiffigineqassapput.

Aqutsinikkut kinguneritinneqartut:

Oqartussaasut tungaannit tamakkiisumik isigalugu siunnersuutip nassatarissavaa aqutsinikkut kivitassap malunnaatilimmik annikillisinneqarnera.

Inatsisit atuuttut naapertorlugit kommunit ikiorsiiniutinut qinnuteqaatit naalackersuisunit aalajangigassanngorlugit inassuteqartassapput. Taamaasilluni inatsisit atuuttut naapertorlugit sulianik kommunini aamma Naalackersuisuni suliarinnittoqartarpoq. “Marloqiusamik” suliarinnittarneq taanna siunissami pinngitsoortinneqassaaq.

Siunnersuutip matuma kingunerilissavaa kommunit inassuteqaatinik suliaqartarnermut Naalackersuisunullu nassiussisarnermut taarsiullugu innarluutilinnut tunngasut pillugit namminneq aalajangiisalissammata. Innarluutilinnik ikiorsiisarnermut aningaasaqarnikkut piareersimasuutinik aqutsineq pillugu kommunit aningaasartuutigisimasaminnik Nunatta Karsianit utertitsiniarlutik nukissanik atuisarput, tamatumuunali aningaasaqarnikkut killissaliinikkut kommunit namminneq aalajangersakkamik iluanni namminneq siunissami aqutsinnaalissallutik. Tamaat isigalugu oqartussaaffeqarfimmik tamakkiisumik tigusinermikkut aqutsinikkut nammatassanik kommunini annikitsutigut qaffaasoqarnissaa nalilerneqarpoq.

Aqutsinikkut kivitassaq naalackersuisunut annikinnerulissaaq, aqutsinikkut suliassat ulloq unnuarlu paaqinnittarfiit kisiisa pinnagit Naalackersuisuniikkunnaassammata.

Aqutsinikkut inaarutaasumik kinguneritinneqartussat KANUKOKA-p Namminersorlutillu Oqartussat akunnerminni isumaqatigiinniarnermikkut aalajangiiffigisassavaat.

4. Inuussutissarsiornermut aningaasaqarnikkut aqutsinikkullu kingunerisassai:

Allannguutissatut siunnersuutip inuussutissarsiornermut aningaasaqarnikkut aqutsinikkullu kinguneqarnissaa naatsorsuutigineqanngilaq.

5. Avatangiisinut pinngortitamullu kingunerisassai:

Allannguutissatut siunnersuutip avatangiisinut pinngortitamullu aningaasaqarnikkut aqutsinikkullu kinguneqarnissaa naatsorsuutigineqanngilaq.

6. Innuttaasunut aqutsinikkut kingunerisassai:

Allannguutissatut siunnersuutip nassatarissavaa piffissap sulianik suliarinninnermut atorineqartartup sivikinnerulernera.

7. Naalagaaffeqatigiinnermut Namminersortunullu tunngasut:

Allannguutissatut siunnersuutip Naalagaaffeqatigiinnermut imaluunniit Namminersorlutik Oqartussanut kinguneqarnissaa naatsorsuutigineqanngilaq. Taamaattorli ineqariaatsini neqerooruteqarnermi Danmarkimi Kalaallit Nunaannilu

tikeraarluni angalasarnerit najugaqartarnerillu pillugit Socialministeriaqarfiup nalunaarutaa nr. 1389, 12. december 2006-imeersoq iluarsaateqqinneqartariaqassaaq. Taamaaliortoqassaaq Socialministeriaqariup aamma Kalaallit Nunaanni Namminersorlutik Oqartussat suleqatigiinnerisigut.

8. Oqartussaasunut suliniaqatigiiffinnullu/kattuffinnullu tusarniaaneq:

Annertuumik innarluutillit pillugit inatsisartut peqqussutaanut allannguutissatut siunnersuut oqartussaasunut kattuffinnullu makkununga tusarniaassutigineqarpoq: KANUKOKA, Ani-ngaasanut Nunanullu Allanut Naalakkersuisoqarfik, Kultureqarnermut, Ilinniartitaanermut, Iliasimatusarnermut Ilageeqarnermullu Naalakkersuisoqarfik, Inuussutissarsiornermut, Sulif-feqarnermut Inuussutissarsiutinullu Ilinniartitaanermut Naalakkersuisoqarfik, Akileraarner-mut Aqutsisoqarfik, KNIPK, Isumaginninnikkut Naammagittaalliuteqartarfik Tulararfillu.

Oqartussaasut kattuffiillu tusarsiaanermut akissuteqarnikut makkuupput:

Naalakkersuisoqarfiup oqaaseqaatini tusarniaanermut akissutigineqartut kinguninnguisigut uingasunik allaaserisarpai.

Tusarniaanermut akissutit:

KANUKOKA

Oqaatigineqassaaq siunnersuutip nassiunneqartup imarisaani takuneqarsinnaanngimmat inatsiseqartitsinermit tunngatillugu Qitiusumik Kommunit Allaffeqarfiata pilersinneqarnissaanut periarfissiisoqarsimanngimmat, tamanna kommunit kissaatigisarimmassuk. Qeqqata Kommunian KANUKOKA-tulli isumaqarpoq Allaffeqarfimmik taamaattumik pilersitsinissamut ammaasoqassasoq, innaluutilinnut tunngasut kingulliit tigoorneqarnissaannut tunngatillugu. KANUKOKA-p ilisimaaraa Namminersorlutik Oqartussat inatsiseqartitsinermit tunngatillugu periarfissat assigiinngitsut misissoraat kommunit kissaataat akuerisinnaajumallugu.

Tassunga tunngatillugu oqaatigineqassaaq annertuumik innarluutillit ikiorserneqartarnerat pillugu Inatsisartut peqqussutaanni killissarititaasut iluanniinngimmat qitiusumik kommunit allaffeqarfeqalernissaat pillugu aalajangersaasinnaaneq. Qitiusumik kommunit allaffeqarfeqalernissaat aqutsinermit aaqqissuussaanermullu suliassanut tunngassuteqarpoq inatsisinilu allani malittarisassaqtitaasussaalluni.

Innarluutilimmut aningaasaliissutit eqqarsaatigalugit kaammattuutigineqarpoq aningaasat/aningaasaliissutit innarluutilik malittarisassagaat, assersuutigalugu innarluutilik kommunimut allamut nuukkaangat, tamannalu aamma Qeqqata

Kommunianit tapersorneqarpoq. KANUKOKA-mili ilisimaarineqarpoq aningaasanut tunngasortaanut tunngatillugu aaqqiissutissat allaasinnaasut misissorneqartariaqarmata. Kingusinnerusukkut qanorluunniit aaqqiisoqassagaluarpat kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat nr. 2, 12. juni 1995-imeersoq misissorneqartariaqarpoq taannattaq 1. januar 2009-mi kommunit kattussuunneqarnerannut atatillugu naleqqussarneqarsimanngimmat.

Tassunga oqaatigineqassaaq inatsisissatut siunnersuummi matumani taamaallaat malittarisassaliortoqarmat inatsimmi ikiorsiiniutit kikkut aningaasalersugarissagaat, pineqarani agguaassisarnermut najoqqutassaq periaasissarluunniit qanoq ittoq aningaasalersuinermi atorineqassanersoq.

Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat nr. 2, 12. juni 1995-imeersumut tunngatillugu inatsit taanna piaarnerpaamik iluarsaanniarnaqarpoq, tassami annertuumik innarluutillit ikiorserneqartarnerat pillugu inatsisit aamma kommunit akunnerminni akiliiffigeqatigiittarnissamut pisussaaffii pillugit inatsisit akornanni naapertuuttoqarunnaassammat.

KANUKOKA-p naatsorsuutigaa Isumaginninnermut Naalakkersuisoqarfik nalunaarutissami ilitsersuutissamilu itisilerutaasunik erseqqissunillu tunaartarisassaliussasoq.

Pilersaarutaavoq nalunaarummik nutaamik aamma ilitsersuummik nutaamik malitseqartitsisoqassasoq.

§ 6-imut KANUKOKA oqaaseqarpoq aalajangersakkami pineqartoq ilaatigut sungiusaaqqinnermik ikiorsiisoqarsinnaasoq. Kommuni Kujalliup ujartorpai toqqarlugit tunaartarisassat qaqugukkut Peqqinnissaqarfik aamma Kommuni sungiusaaqqinnermik suliaqartassanersut, tamanna ajornartorsiutitoqaammat erseqqissaavigineqartariaqartoq.

Tassunga oqaatigineqassaaq allannguutissatut siunnersuut manna taamaallaat aalajangersakkanut innarluutilinnik isumaginninnerup kommuninut nuunneqarnissaanut tunngasunut tunngammat. Aalajangersakkani allani allannguutaajunnartut kingusinnerusukkut suliarineqarumaarput.

§ 7, imm. 3-mut tunngatillugu Kommuni Kujalliup kissaatigaa erseqqissarneqassasoq oqilisaassisarnerup assersuutigalugu qitiusumik sungiusaaqqittarfimmi assigisaaniluunniit pisarsinnaanera.

Tassunga oqaatigineqassaaq § 7, imm. 3 Kalaallit Nunaanniunngitsoq ulloq unnuarlu paaqqinnittarfimmi ineqarfissiamiluunniit assingusumi ineqarnermut tunngammat, tassa Kalaallit Nunaanni ulloq unnuarlu paaqqinnittarfimmi

ineqarnissamut allanik periarfissaarutivissimatillugu. § 7, imm. 3 malillugu Kalaallit Nunaanniunngitsoq najugaqarneq sivilisunerusumik najugaqartarnernut tunngavoq, tassani suniusaaqqittarfimmi assigisaaniluunniit oqilisaassiniarluni najugaqarneq ilaasusnaanani.

§ 16 a-mut KANUKOKA-p oqaatigaa, ullumikkut innarluutilinnut ulloq unnuarlu paaqqinnittarfinni akit assigiinngiiaaqisut, ulloq unnuarlu paaqqinnittarfinnut assigiinngitsunut ingerlatsinermut aningaasartuutaavissut aallaavigalugit akigititassat aalajangersarneqartarlutik. Taamaammatt KANUKOKA-p kaammattuutigaa meeqqanut inuusuttunullu ulloq unnuarluni paaqqinnittarfinnisulli aaqquissuussisoqassasoq, tassani akigititaasut 50 %-ii ataatsimoortumik tapiissutitigut akilerneqartarmata 50 %-iilu kommunimit inissiisumit toqqaannartumik akilerneqartarlutik.

Tassunga oqaatigineqassaaq ulloq unnuarlu paaqqinnittarfiit aningaasalersugaanerat 50 %-inik ataatsimoortumik tapiissutitigut 50 %-iilu akigititaasunik akiliisarnikkut meeqqanut inuusuttunullu ikiorsiisarneq pillugu Inatsisartut peqqussutaanni malittarisassaqartitaanngimmat, taamaammallu annertuumik innarluutillit ikiorserneqartarnerat pillugu inatsisartut peqqussutissaattut siunnersuummi malittarisassiuunneqartusnaanani.

§ 18 a-mut KANUKOKA-p oqaatigaa Kommuni Kujalleq aalajangersakkap taassuma atorunnaarsinneqarnissaanut isumaqataanngitsoq.

Tassunga oqaatigineqassaaq atorunnaarsitsineq pissuteqarmat siunnersuummik inunnut annertuumik innarluutilinnut ikiuiniutit tamarmik kommuninit aningaasalersorneqarnissaannik.

§ 26, imm. 2-mut KANUKOKA-p oqaatigaa annertuumik innarluuteqartoqartoq immikkut ikiorneqartariaqartunik assersuutigalugu immikkut inissaqartillugit, taamaammallu ajunngitsoq periarfissiisoqassappat Naalakkersuisut annertuumik innarluutilinnut ulloq unnuarlu paaqqinnittarfiit sanaartorneqarnerannut ingerlanneqarnerannullu tapiissuteqartarsinnaanissaannut.

Tassunga oqaatigineqassaaq aalajangersagaq meeqqanut inuusuttunullu ikiorsiisarneq pillugu Inatsisartut peqqussutaat malillugu periarfissanisulli immat.

Siunnersuutip taassuma § 2-anut oqaaseqaatimini KANUKOKA-p inassutigaa suliaassanngortitseqqinnernut naammassineqanngitsunut, 1. juli 2010 sioqqullugu tunniunneqartunut, aningaasartuutaajunnartut Namminersorlutik Oqartussanit akilerneqartassasut imaluunniit tamakku pillugit immikkut isumaqatigiissuteqartoqassasoq.

Tassunga oqaatigineqassaaq innarluutilinnik isumaginninnerup kommuninut nuunneqarneratigut aningaasaqarnermut tunngatillugu kingunerisaasussat aalajangerneqassammata KANUKOKA-p aamma Kalaallit Nunaanni Namminersorlutik Oqartussat akornanni isumaqatigiinniarnikkut.

KANUKOKA-p tusarniaanermut akissummini naggasiullugu inassutigaa Isumaginninnermut Naalackersuisoqarfik peqqussutissatut siunnersuummi sulii allanik allangortitsinerusinnaasunut akuersaartumik pissuseqartariaqartoq, paasineqassagaluarpat taamaaliornissaq pisariaqartinneqartoq, innersuussutigineqarmammi tamakkununga tunngasut kommuninut nuunneqarnerannut atatillugu aningaasaqarnermut tunngasut sulii erseqqinnerusumik paasineqarsimanngitsut.

Oqaaseqaatigineqartut tusaatissatut tiguneqarput.

Uku oqaaseqaatissaqarsimanngillat:

Kommunit Kukkunersiuisartoqarfiat, Aningaasaqarnermut Naalackersuisoqarfik aamma Peqqissutsimut Naalackersuisoqarfik.

Uku tusarniaanermut akissuteqarsimanngillat:

Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik, Inuussutissarsiornermut Suliffeqarnermullu Naalackersuisoqarfik, Akileraartarnermut Aqutsisoqarfik, KNIPK, Isumaginninnermi Naammagittaalliuuteqartarfik aamma Tulararfik.

Peqqussutissatut siunnersuummi aalajangersakkat ataasiakkaat pillugit oqaaseqaatit

§ 1 pillugu

Nr. 1 pillugu

Imm. 1-imut

Aalajangersagaq ilaatigut nutaartaqarpoq, peqqussut atuuttoq misileraanermik aaqqissuussinissamut periarfissiimmat, perorsaanerullu tungaatigut immikkut ittumik

neqerooruteqarnissamut periarfissat peqqussummut atuuttumut ilanngunneqanngimmata.

Misileraalluni aqqissuussinernik imaluunniit perorsaanikkut immikkut ittunik pilersitsinermi kommunalbestyrelsit akuersissuteqartoqarnissaanik qinnuteqaatinik Naalackersuisunut nassiussisartussaapput. Qinnuteqaat taanna makkuninnga imaqartassaaq: suliniutip qulequtaa; siunertat allaaserineri, tunuliaqutaanik, periaatsinik annertussusiannillu allaaserinnineq pisariaqarpallu piffissat eqqarsaatigalugit pilersaarussiaq aqutsinermullu tunngasut, pisariaqarpat missingersuutit aningaasalersuinerlu, pisariaqarpat aningaasatigut kingunerisassai kiisalu inuk attaveqaataasartoq.

Imm. 2-mut

Aalajangersagaq nutaajuvoq. Aalajangersakkap aalajangersarpaa, Naalackersuisut neqeroorutitik aamma misileraalluni aqqissuussinernik imm. 1 naaperorlugu akuersissutaasimasunik nakkutilliisuussasut.

Imm. 2 pillugu

Imm. 1-imut

Aalajangersakkap peqqussut atuuttoq ilaatigut assigaa. Ikiorsiissutit pillugit, takuuk imm. 2, aalajangiisinnaatitaaneq Naalackersuisuniit kommunalbestyrelsimut nuuppoq. Naalackersuisut kommunalbestyrelsip inassuteqarneratigut ulloq unnuarlu paaqqinnittarfimmiittarneq pillugu ikiorsiisarnermi sulii aalajangiisinnaatitaapput.

Imm. 2-mut

Aalajangersakkap peqqussut atuuttoq assigaa, taamaattorli oqartussaassuseq Naalackersuisunit kommunalbestyrelsinut nuuppoq. Aalajangersakkami tassani ikiorsiissutit suut aallartinneqarsinnaanerannik assersuutit allaaserineqarput. Taagorneqartut tamakkiisuunngillat. Pissutsinik innarlutillip atugaanik pisariaqartitaanillu pisumi nalileereernikkut ikiorsiissutit taaneqartut saniatigut allanik neqerooruteqartoqarsinnaavoq.

Imm. 1. Iluaqusersuutitik oqarnermi timikkut iluaqusersuutit innarlutillip pisinnaasaasa annikilleraataannik iluaqusiisut imaluunniit sungiusarnermut atatillugu atorneqarsinnaasut pineqarput. Makku assersuutit taaneqarsinnaapput: Qamutit assakaasullit kaassuartakkat, ornavaatitut pisuutit, illumi suliaassanik suliaqarnermi atortut immikkut ittut aamma peror-saanikkut atortussat pisinnaasat aalajangersimasut sungiusarneqarneranni atorneqarsinnaasut.

Imm. 2. Kommunalborgstyrelsi tapersersortitut ikiortip kommunimit uninngavigisamit anner-tuumik innarlutillimmut tapersersortitut atorfinitsinneqartup akissarsiaqartinneqarneranut ikiorsiissuteqarsinnaavoq. Tapersersortitut ikiorti ajornanngippat isumaginninnermut tun-ngasut iluanni ilinniagaqarsimasuusariaqarpoq. Tapersersortitut ikiorti ulloq unnuarlu paaq-

qinnittarfinni, ulluunerani paaqqinnittarfinni, nakkutigineqarluni najugaqarfinni, najugaqati-giiffinni aamma innarluutillip nammineq inigisaani atorfinitsinneqarsinnaavoq. Angerlarsi-maffimmi ikiortip angerlarsimaffimmi suliassanik assigiinngitsunik suliqaartartup – tak. angerlarsimaffimmi ikiortit pillugit nalunaarut, tapersersortitut ikiortip suliassai perorsaa-nermut tunngasuunerupput. Tapersersortitut ikiortit annertuumik innarluutilik isumaqatigiis-suteqarfigalugu imminut ikiorsinnaanerulernissaq allanillu ikiorneqarnissamik pisariaqartit-sinnginnerulernissaq anguniarlugu sulisussaavoq. Taamaattumik aallaavittut tapersersortitut ikiortip sulinera piffissami killilimmi ingerlanneqartussaavoq.

Imm. 3. Ilaquttat annertuumik innarluutilimmik angerlarsimaffimmi paarsiniarlutik aalaja-ngersimasut pisuni aalajangersimasuni paarsinerminnut aningaasarsiaqartinneqarsinnaapput, ilaquttat taakku taamaaliornermikkut akissarsiatigut isertitaqarsinnaanerminnik annaasaqar-pata, tak. § 9. Aammattaaq ulloq unnuarlugu paaqqinnittarfirmut assigisaanulluunniit (utoq-qarnik paaqqinniffimmut, paaqqutarinniffimmut, ilaqutariinnut paarsassanngortitsinikkut il.il.) oqilisaassinertut inissigallartoqarsinnaavoq, taamatuttaarlu angerlarsimaffimmi oqili-saassisoqarsinnaalluni.

Imm. 4. Siunnersortinik ikiorteqartitsineq inigisamik aaqqissuussinermi, sungiusarnissamut najoqqutassanik sularinninnermi il.il. ilitsersuinikkut pisinnaavoq. Siunnersortinik ikiorte-qartitsineq tassaasinnaavoq teknikkimut perorsaanermulluunniit tunngasoq. Tamanna anner-tuumik innarluutillit najugarisaani pisinnaavoq imaluunniit innarluutillip atugaanik allaa-serinninnerit videomullu immiussat tunngavigalugit ungasiaanit siunnersuinikkut pisinnaal-luni.

Imm. 5. Innarluutillip inigisaata allannngortiterlugu sanaqqinneranut allannngortiterneqarnera-nullu annertuumik innarluutillip angerlarsimaffimminiiginnarnissaanut pisariaqartunut ikior-siissuteqartoqarsinnaavoq. Pineqartoq tassaagajuttarpoq innarluutillip najugarisaanut isaaq-samik pitsannngorsaneq, qaqsarialiortiternikkut, matut silissineqarnerisigut, iikkanik nikisit-siterinikkut, anartarfiit uffarfiillu aaqqissuunneqarnerisigut, taamaalillutik taakku issiavinnik assakaasulinnik kaassuartakkanik atuisunit atornerqarsinnaalersillugit, ajaperfinnik ikkussu-inikkut il.il. Inissiaq pioreersoq aaqqissuunneqarsinnaanngippat innarluutillip inissiamik allamik neqeroorfigineqarnissaa isumaliutersuutigineqartariaqarpoq.

Imm. 6. Annertuumik innarluutilik, taassuma ilaqutai inuillu allat annertuumik innarluutilik eqqarsaatigalugu suliassaartut atuartitsinermik pikkorissartitsinernullu annertuumik innar-luutillip atugaanik oqilisaassillutillu pitsaanerulersitsisuni peqataanissamik neqeroorfigine-qarsinnaapput. Tassani pineqarsinnaapput annertuumik innarluutillip qanoq paarineqarnis-saanik ilitsersuineq, soorlu kivitseriaatsinik, annertuumik innarluutilimmut attaveqarfigin-nissinnaanermik ilinniartitsineq, assersuutigalugu ussersuutit atorlugit oqalunnermik assigi-saanilluunniit ilinniartitsinermik.

Imm. 7. Najugaqatigiiffiit annertuumik innarluutilinnut ima pisinnaatigisunut najugaqarfi-upput ulluinnarni inuunerminnik killilimmik allanit ikiorneqarlutik

namminneq ingerlat-sisinnaasunut. Taakku unnuami ikiorserneqarnissaminnik pisariaqartitsigajuttuunngillat. Najugaqatigiiffiit paaqqinnittarfiunngillat, najugaqartulli namminerisamittut allat peqatigalugit najugaqarfigisaattut isigineqartussaallutik. Kommunalbestyrelsi najugaqatigiiffinnik anguniagassanillu pilersitsinermi, najugaqartussanik inissiiniarnermi, najugaqartut inuunerminni namminneq atukkaminnut sunniuteqaqataaneranni, allanik suleqateqarnermi sulianillu piareersaermermi pisariaqartitat tunngavigalugit ilitersuissaaq.

Nakkutigineqarluni najugaqarfiit najugaqatigiiffittulli tassaapput ataatsimoorluni najugaqar-fiit. Nakkutigineqarluni najugaqarfiit tassaapput annertuumik innarluutillit tapersorsorne-qarnissamik imaluunniit paaqqtarineqarnissamik annertuumik pisariaqartitsisut najugaqar-fii. Najugaqartut tassaasinnaapput inuit tarnikkut annertuumik napparsimanermikkut timik-kulluunniit annertuumik innarluuteqartuusut. Najugaqartut ulluunerani unnuaanerani nalunaaquttap akunnerini 24-ini ikiorserneqarnissaminnik pisariaqartitsisuupput.

Imm. 8. Annertuumik innarluutilik nammineq angerlarsimaffimmini nammineersinnaan-ngippat immikkullu ilisimasalinnit suliniuteqarfigineqarnissani pisariaqartippagu, pineqartup ulloq unnuarlu annertuumik innarluutilinnut paaqqinnittarfimmi najugaqarnissaanik kommu-nalbestyrelsi naalakkersuisunut inassuteqaateqarsinnaavoq. Ulloq unnuarlu paaqqinnittarfik aalajangersimasumik ukiulinnut imaluunniit aalajangersimasumik innarluutilinnut sammiti-taasinnaavoq.

Kalaallit Nunaanni naleqquttumik neqerooruteqarnissamut periarfissaaruppat annertuumik innarluutilik Danmarkimi katsorsagassatut imm. 3-mi malittarisassat aalajangersarneqartut malillugit kommunalbestyrelsip inissinniarsinnaavaa.

Imm. 9. Angerlarsimaffiup aamma annertuumik innarluutillip akornanni attaveqatigiinneq ataannartinniarlugu kommunalbestyrelsi tikeraarluni angalanernut ikiorsiissuteqarsinnaavoq. Aammattaaq kommunalbestyrelsi feriarluni angalanernut ikiorsiissuteqarsinnaavoq. Tak. § 8 a, Naalakkersuisut tamanna pillugu malittarisassanik erseqqinnerusunik aalajangersaassap-put.

Imm. 10. Inuusuttut annertuumik innarluutillit pitsaanerpaanik atugassaqartinneqarnissaat qulakkeerniarlugu, aammattaaq ilinniartitaanermit suliffeqarnermullu tunngatillugu, atuarnerup naammassineqareernerani iliuusissatut pilersaarusiortoqartassaaq.

Imm. 3-mut

Aalajangersagaq nutaajuvoq § 5-mullu ilassutaalluni. Aalajangersagaq taanna malillugu Kalaallit Nunaata avataanut ulloq unnuarlu paaqqinniffimmut ineqarnermulluunniit tamatumunnga assingusumut inissinissamik Naalakkersuisut akuersissuteqarsinnaapput, Kalaallit Nunaanni ulloq unnuarlu paaqqinniffinni periarfissat tamakkiisuujunnaaraangata.

Malugeqquneqarpoq annertuumik innarluutillit Danmarkimi ulloq unnuarlu paaqqinniffimmi ineqarfimmiluunniit tamatumunnga assingusumi

inissinneqarsimasut ikiorserneqartarmata dansket servicelove-anni aaliangersakkaat malillugit, kommunalbestyrelsellu peqqussut una malillugu ikiorsiinerit aningaasartuutissarimmagit.

Danskit neqeroorutaanni najugaqarnissamut, ulluunerani neqeroorutinut, ilinniartitaanermut allanullu akigititaasut danskit oqartussaasuinit aalajangersarneqassapput. Tamakkununga tunngassuteqartuni aalajangersakkaat atuuttut tassaapput Socialministeriets bekendtgørelse nr. 781 af 06. juli 2006 om principper for kommunernes finansiering af de mest specialiserede lands- eller landsdelsdøkkende tilbud kiisalu Socialministeriets bekendtgørelse nr. 683 af 20. juni 2007 om omkostningsbaserede takster for kommunale tilbud.

Nr. 3 pillugu

Aalajangersakkaat peqqussut atuuttoq assigaa, taamaattorli oqartussaassuseq Naalakkersuisunit kommunalbestyrelsinut nuuppoq. Aalajangersakkaat tassuuna erseqqissarneqarpoq tamanna pisariaqartinneqarpat kommunalbestyrelsi biilnik ataatsimut ingerlassisarnermik annertuumik innarluutilinnut aaqqissuussaasumik pilersitsisinnaasoq.

Biilnik ataatsimut ingerlassisarnermik aaqqissuussinermik pilersitsisoqassanersoq imaluunniit assersuutigalugu inummut annertuumik innarluutilinnut taxarnissamut aningaasatigit ikiorsiisoqassanersoq ataasiakkaartumik naliliisoqartassaaq.

Nr. 4-mut

Aaliangersagaq peqqussutip atuuttup assingaa. Aaliangersakkaat tassuuna erseqqissarneqarpoq Naalakkersuisut kommunalbestyrelsi najugaqatigiiffinnik nakkutigineqarlunilu najugaqarfinnik pilersitseqqullugu peqqusinnaagaat.

Nalunaarut atuuttoq malillugu kommunimi najugaqatigiiffinnik pisariaqartitsinerup qanoq annertutigina kommunalbestyrelsip nalilissavaa. Naalakkersuisut najugaqatigiiffinnik pilersitsisoqarnissaanik kommunalbestyrelsinut peqqussuteqarsinnaapput, kommuni inunnit annertuumik innarluutilinnit 18-it sinnerlugit ukioqalereersimasunit marlunnit amerlanerusunilluunniit angerlarsimaffittut kommuniuppat, pineqartullu ulluunerani ikiorteqartinnatik namminneq inigisamminni nammineersinnaappata aamma pineqartut ataatsimoorlutik inooqatigiissinnaappata.

Nr. 5 pillugu

Imm. 1-imut

Aalajangersagaq nutaajuvoq. Aalajangersakkaat tassuuna kommunalbestyrelsi najugaqatigiiffiit ataasiakkaat tunaartarisassaannik akuersissutiginnissaminut

pisussaaffilerneqarpoq. Siunnersuutip kommunalbestyrelsi aammattaaq pisussaaffilerpaa kommunimi najugaqatigiiffiit tunaartarisassaasa suliarineqarnerisa qulakkeernissaannut.

Imm. 2-mut

Aalajangersakkap peqqussut atuuttoq assigaa, taamaattorli oqartussaassuseq Naalakkersuisunit kommunalbestyrelsinut nuuppoq. Aalajangersakkakut tassuuna kommunalbestyrelsi najugaqatigiiffinnut perorsaanikkut ilitersuinissaminut pisussaaffilerneqarpoq.

Najugaqatigiiffik najugaqartut namminneq ineqarfigimmassuk perorsaanikkut ilitersuineq killeqassaaq. Taamaattorli najugaqartut najoqatigiinnerminni ilorrisimaarnissaat qulakkeerniarlugu perorsaanikkut ilitersuinissaq ilaatigut pisariaqartartussaavoq.

Imm. 3-mut

Aalajangersagaq nutaajuvoq. Aalajangersakkakut tassuuna kommunalbestyrelsi pisussaaffilerneqarpoq najugaqatigiiffiit ataasiakkaat ingerlanneqarneranni perorsaanikkullu ingerlatsineranni malittarisassat tunaartarisassallu atuuttut malinneqarnerisa nakkutiginnissaannut.

Aalajangersakkap kommunimi namminerminni nakkutilliineq assigaa. Tamatumunnga uiggiunneqassaaq Naalakkersuisut innarluutillit pillugit inatsimmik aqutsinermut qulliunerusutut nakkutilliisuussasut, matumani najugaqatigiiffiit pillugit aalajangersakkat ilanngullugit eqqarsaatigalugit.

Imm. 4-mut

Aalajangersagaq nutaajuvoq. Aalajangersagaq taanna najugaqatigiiffinni najugaqartussanik tiguisarneq, aqutsineq, ingerlatsineq, aqqissuussineq perorsaanikkullu sulineq pillugit ataatsimut malittarisassanik Naalakkersuisut aalajangersaanissaannut tunngavissaliisuvoq.

Inatsisissatut siunnersuut manna malillugu najugaqatigiiffinni tiguisarnermut, aqutsinermut, ingerlatsinermut, pequsersuinermit aamma perorsaanikkut sulinermit Naalakkersuisut ataatsimut malittarisassanik aalajangersaanissaannut inatsisitigut tunngavigisassaliisoqarpoq.

Inatsisitigut tunngavigisassaaq nalunaarutinngorlugu saqqummiunneqassaaq. Aammattaaq innarluutillit pillugit inatsit pillugu ilitersuusiassami malittarisassat itisilerneqassapput.

Nr. 6 pillugu

Imm. 1-imut

Aalajangersagaq nutaajuvoq. Aalajangersakkakut tassuuna kommunalbestyrelsi pisussaaffilerneqarpoq nakkutigineqarluni najugaqarfiit ataasiakkaat tunaartarisassaannik akuersissutiginnissaminut. Siunnersuutip kommunalbestyrelsi aammattaaq pisussaaffilerpaa kommunimi najugaqatigiiffiit tunaartarisassaasa suliarineqarnerisa qulakkeernissaannut.

Imm. 2-mut

Aalajangersakkap peqqussut atuuttoq assigaa, taamaattorli oqartussaassuseq Naalackersuisunit kommunalbestyrelsinut nuuppoq. Aalajangersakkakut tassuuna kommunalbestyrelsi pisussaaffilerneqarpoq nakkutigineqarluni najugaqarfinnut perorsaanikkut ilitersuinissaminut.

Nakkutigineqarluni najugaqarfik najugaqartut namminneq ineqarfigimmassuk perorsaanikkut ilitersuineq killeqassaaq. Taamaattorli najugaqartut najoqatigiinnerminni ilorrisimaarnissaat qulakkeerniarlugu perorsaanikkut ilitersuinissaq ilaatigut pisariaqartartussaavoq.

Imm. 3-mut

Aalajangersagaq nutaajuvoq. Aalajangersakkakut tassuuna kommunalbestyrelsi pisussaaffilerneqarpoq nakkutigineqarluni najugaqarfiit ataasiakkaat ingerlanneqarneranni perorsaanikkullu ingerlatsineranni malittarisassat tunaartarisassallu atuuttut malinneqarnerisa nakkutiginissaannut.

Aalajangersakkap kommunimi namminerimi nakkutilliineq assigaa. Tamatumunnga uiggiunneqassaaq Naalackersuisut innarluutillit pillugit inatsimmik aqutsinermut qulliunerusutut nakkutilliisuussasut, matumani nakkutigineqarluni najugaqarfiit pillugit aalajangersakkat ilanngullugit eqqarsaatigalugit.

Imm. 4-mut

Aalajangersagaq nutaajuvoq. Nalunaarut atuuttoq malillugu Naalackersuisut nakkutigineqarluni najugaqarfiit pilersinneqarnerat, pequsorneqarnerat, aqunneqarnerat aamma ingerlanneqarnerat pillugu tunaartarisassanik aalajangersaassapput.

Inatsisissatut siunnersuut manna malillugu nakkutigineqarluni najugaqarfinni tiguisarnermut, aqutsinermut, ingerlatsinermut, pequsersuinermut aamma perorsaanikkut sulineranut Naalackersuisut ataatsimut malittarisassanik aalajangersaanissaannut inatsisitigut tunngavigisassaliisoqarpoq.

Inatsisitigut tunngavigisassaaq nalunaartinngorlugu saqqummiunneqassaaq. Aammattaaq innarluutillit pillugit inatsit pillugu ilitersuusiasami malittarisassat itisilerneqassapput.

Nr. 7 pillugu

Aalajangersakkap taassuma pisariaqannginnera pissutigalugu atorunnaarsinneqarnissaa siun-nersuutigineqarpoq. § 7, imm. 2, pkt. 8 pillugu oqaaseqaatit innersuussutigineqarput.

Nr. 8 pillugu

Aalajangersagaq nutaajuvoq. Ulloq unnuarlu inissiinerni ataasiakkaani akilerneqartartut malillugit kommunip ulloq unnuarlu paaqqinnittarfimmut inissiinermi aningaasanik akiliisarnissaanut aalajangersagaq inatsisitigit tunngavigisassaliivoq.

Annertussuseq aalajangersarneqassaaq ulloq unnuarlu paaqqinnittarfimmik ingerlatsinerup kingunerisaanit aningaasartuutit aallaavigalugit. Annetuumik innarluutilinnut tulleriinneri malillugu ulloq unnuarlu paaqqinnittarfiit ataasiakkaat aamma paaqqinnittarfiit avataaniittut ataasiakkaat eqqarsaatigalugit inuit ataasiakkaat pillugit annertussusiliisoqassaaq. Annertussuseq ullumikkut atuuttoq aningaasatigit ikiorsiisarnikkut tunniuttakkat atuuttut pillugit kaajallaasitamit, Namminersorlutik Oqartussat internetsikkut nittartagaani tamanut takusassiarineqartumit, erserpoq.

Nr. 9 pillugu

Aalajangersagaq taanna innarluutilinnut susassa qarfiup kommuninut nuunneqarnerata ki-ngunerisaanit atorunnaarsinneqarpoq.

Nr. 10 pillugu

Aalajangersagaq taanna innarluutilinnut susassa qarfiup kommuninut nuunneqarnerata ki-ngunerisaanit atorunnaarsinneqarpoq.

Nr. 11 pillugu

Imm. 1-imut

Aalajangersakkap peqqussut atuuttoq assigaa. Taamaattorli aalajangersakkakut tassuuna erseqqissarneqarpoq kommunalbestyrelsi peqqussut manna tunngavigalugu ikiorserneqarnissamut periarfissanik annertuumik innarluutilinnut ilitsersuinissamut pisussaaffeqartoq.

Imm. 2-mut

Aalajangersakkap peqqussut atuuttoq assigingajappaa. Taamaattorli erseqqissaatigineqarpoq peqqussut manna malillugu qinnuteqartarneq,

akuersissuteqartarneq aqutsinerlu pillugit malittarisassanik Naalakkersuisut aalajangersaasinnaasut.

Aalajangersagaq nalunaarutikkoortillugu saqqummiunneqassaaq ilitsersuutikkullu itisilerneqassalluni.

Ilaatigut erseqqissaatigineqassaaq peqqussut manna malillugu ikiorserneqarnissaq pillugu kikkut qinnuteqaateqarsinnaanersut, kiisalu qinnuteqaateqartoqanngikkaluartoq ikiorsiissuteqarnissamut kommunalbestyrelsi qaqugu pisussaaffeqarnersoq, matumani annertuumik innarluutilik ikiorserneqarnissaq pillugu nammineerluni qinnuteqaateqarsinnaannginnera ilanngullugu eqqarsaatigalugu.

Ikiorsiissutinik akuersissuteqartarneq pillugu malittarisassanik aalajangersaanissamut ilaatigut siunertarineqarpoq peqqussutip ikiorsiinissamut amerlasuutigut periarfissiinissaa tunuliaqutaralugu inatsiseqartitsinikkut assigiiaartumik periaaseqartoqarnissaa qulakkeerniarlugu.

Nr. 12 pillugu

Imm. 1-imut

Aalajangersakkap peqqussut atuuttoq assigaa. Taamaattorli aalajangersakkami erseqqissarneqarpoq kommunalbestyrelsi annertuumik innarluutillit Kalaallit Nunaata avataanut inissinneqarsimasut Kalaallit Nunaannut utersinnaanerannut periarfissanik ukiut tamaasa misissuisarnissamut pisussaaffeqartoq. Kommunalbestyrelsip misissuinerani Kalaallit Nunaanni paaqqinnittarfimmi najugaqarnissamut periarfissat, nakkutigineqarluni najugaqarfinnut inissinneqarsinnaaneq imaluunniit annertuumik innarluutilinnut naleqquttumik allamik neqerooruteqarsinnaaneq ilaatinneqartariaqarput.

Tamatuma kingornatigut kommunalbestyrelsip nalilissavaa Kalaallit Nunaannut uternissamut periarfissaasinnaasoq pivisunngortinneqassanersoq, tassami inuk annertuumik innarluuteqartilluni tamanna pillugu sapinngisamik aalajangeeqataasussaammat.

Imm. 2-mut

Aalajangersagaq nutaajuvoq. Aalajangersagaq taanna angerlartitsisarneq pillugu malittarisassanik erseqqinnerusunik Naalakkersuisuit aalajangersaanissaannut tungavissaliivoq. Matumani ilanngullugu naatsorsuutigineqarpoq annertuumik innarluutillit Kalaallit Nunaanni neqeroorutit eqqarsaatigalugit sapinngisamik aalajangeeqataasarnissaat pillugu malittarisassanik aalajangersaasoqassasoq.

Nr. 13 pillugu

Aalajangersagaq nutaajuvoq. Aalajangersakkami erseqqissarneqarpoq annertuumik innarluutillip, ulloq unnuarlu paaqqinnittarfimmi inissinneqarsimasup, kommunimi najugaqarfiani kommunalbestyrelsi tassaassasoq pissutsinik, annertuumik innarluutillip inuunerani atugaasunik, nakkutilliisussaataasoq.

Taamaalilluni annertuumik innarluutillip, ulloq unnuarlu paaqqinnittarfimmi inissinneqarsimasup, kommunimi angerlarsimaffiani kommunalbestyrelsip nakkutilliinissaq taanna pisussaaffiginngikkaa.

Nr. 14 pillugu

Imm. 1-imut

Aalajangersakkap peqqussut atuuttoq assigaa, taamaattorli oqartussaassuseq Naalackersuisunit kommunalbestyrelsinut nuuppoq. Aalajangersakkakut tassuuna erseqqissarneqarpoq kommunalbestyrelsi tassaasoq annertuumik innarluutillip peqqussut manna tunngavigalugu ikiorserneqarsinnaaneranik, ikiorsiissutip suussusissaanik annertussusissaanillu aalajangiisussa.

Imm. 2-mut

Aalajangersagaq nutaajuvoq. Aalajangersagaq taanna peqqussummi pineqartumut kikkut ilaatinneqarnissaat pillugu malittarisassanik erseqqinnerusunik Naalackersuisut aalajangersaanissaannut tunngavissaliivoq. Aalajangersagaq taanna § 1-imi, imm. 1-imut tapertaavoq.

Piviusut tunngavigalugit annertuumik innarluutillit, peqqussummi pineqartut, allattuiffimmut nalunaarsorneqassapput. Taamaaliornikkut inuit sorliit peqqussummi pineqassanersut assigiissaartumik atugaqarfigisaat qulakkeerneqassaaq. Aammattaaq annertuumik innarluutilik eqqarsaatigalugu ajornannginnerusumik aqutseriaaseq qulakkeerneqassaaq.

Nr. 15 pillugu

Imm. 1-imut

Aalajangersagaq peqqussummut atuuttumut naleqqiullugu allanngortinneqarpoq. Peqqussut atuuttoq malillugu ikiorneqarnissamik qinnuteqartoq kommunalbestyrelsip peqqusinnaavaa suliap paasineqarnissaanut ikiuteqqullugu, taamatutaaq nakorsamit, immikkut ilisimasalimmit misissorteqqullugu, napparsimavimmut unitsitaalluni imaluunniit nakkutigineqarnissamut katsorsartinnissamulluunniit allatseqqullugu. Peqqussutissatut siunnersuut manna malillugu kommunalbestyrelsip peqqussut malillugu, ikiorneqarnissaminik qinnuteqartoq qinnuigisinnaavaa, paasissutissat ikiorsiineq qanoq ittoq pineqartup piginnaatitaaffigineraa aalajangiiviginiarlugu, pisariaqartinneqartut pissarsiarineqarnissaannut suleqataaqullugu, suliallu suliarineqarnerata ilaatut

nakorsamut misissorteqqullugu imaluunniit napparsimavimmut unitsinneqarneq nakkutigineqarnissaq katsorsarneqarnissarlu siunertaralugit.

Aalajangersakkap taassuma oqaasertaasa allannngortinneqarnerisigut siunertaavoq, pinngitsoortinniarneqarmat aalajangersagaq pissaanermik atuineq pinngitsaaliinerluunniit pillugit aalajangersakkatut paasineqassasoq.

Peqqussut malillugu ikiorneqarnissammik qinnuteqartup kommunalbestyrelsip qinnutigisaa malinnngippagu kommunalbestyrelsi aalajangiisinnaangilaq, tamakkiisunik paasissutissaqannngippat imaluunniit kommunalbestyrelsi tunngavissat saqqummiunneqartut malillugit aalajangiisariaqassalluni.

Imm. 2-mut

Aalajangersakkap peqqussut atuuttoq assigaa. Taamaattorli aalajangersakkakut tassuuna erseqqissarneqarpoq kommunalbestyrelsi peqqussut manna tunngavigalugu ikiorserneqarnissamik qinnuteqaatip suliarineqarneranut paasissutissat pisariaqartutut isigisariaqartut, annertuumik innarluutilik sapinngisaq naapertorlugu akuersiseqqaarlugu, annertuumik innarluutillip atugarisaanut tunngasunik ilisimasalinnit allanit imaluunniit annertuumik innarluut pillugu ilisimasalinnit kommunalbestyrelsip aammattaaq paa-sissutissat pissarsiariniarsinnaagai.

Nr. 16 pillugu

Aalajangersagaq atorunnaarsinneqarpoq, pisariaqannginnera pissutigalugu.

Nr. 17 pillugu

Imm. 1-imut

Aalajangersakkap peqqussut atuuttoq assigaa. Taamaattorli aalajangersakkakut tassuuna erseqqissarneqarpoq peqqussut manna tunngavigalugu ikiorserneqartup pissutsit ikiorsiissutigineqartup tamakkiisumik ilaannakortumilluunniit allannngortinneqartariaqarneranik unitsinneqartariaqarneranilluunniit nassataqarsinnaasut tamaasa kommunimut angerlarsimaffimmut nalunaarutigisassagai. Assersuutigalugu tamanna tassaasinnaavoq inissiamut allamut nuunneq, annertuumik innarluutillip pisinnaasaqassusiata killiffiata pitsanngoriarnera aamma allamik suliffeqalerneq.

Imm. 2-mut

Aalajangersakkap peqqussut atuuttoq assigaa. Aalajangersakkakut tassuuna erseqqissarneqarpoq ikiorsiissutitut tunniunneqartut utertillugit akilerneqarnissaat kommunalbestyrelsip piumasaaqatigisinnaagaa, ikiorsiissutisisup paasissutissiinissamut pisussaaffik imm. 1-imi taaneqartoq eqqortinnngippagu,

imaluunniit peqqussut manna tunngavigalugu ikiorserneqarsinnaatitaanani nalunngikkaluarlugu ikiorsiissutinik tiguisimappat.

Imm. 3-mut

Aalajangersakkap peqqussut atuuttoq assigaa. Aalajangersagaq taanna ikiorsiissutinik imm. 2 tunngavigalugu pissutissaqarani tiguneqarsimasunik utertisilluni akiliisarneq pillugu malittarisassanik Naalackersuisut aalajangersaasinnaanerannut tunngavissaliivoq.

Nr. 18-imut

Imm. 1-imut

Aalajangersagaq nutaajuvoq tassanilu aalajangersarneqarpoq kommunalbestyrelsip pisussaaffigaa kisitsisitigut paasissutissanik il.il. Naalackersuisut kissaatigisaannik nassiussisarnissani.

Aalajangersagaq ilanngunneqarpoq Naalackersuisut ingerlaavartumik ilisimaniassammassuk inuit annertuumik innarluutillit, innarluutit assigiinngitsut, ukiuinut agguarsimanerat ikiorsiissutissallu allat tamakkununga tunngasut allanngoriartornerannik malinnaanissamut pingaarutillit pillugit kisitsisitigut paasissutissanik pissarsisarsinnaaqullugit.

Imm. 2-mut

Aalajangersagaq nutaajuvoq tassanilu aalajangersarneqarpoq Naalackersuisut kisitsisitigut paasissutissat il.il. annertussusissaat, imm. 1 takuuk, aamma taakku qanoq malinnaatinneqartassanerat nassiunneqartarnissaallu pillugit malittarisassanik aalajangersaasinnaasut.

Malittarisassat nalunaarutikkut aalajangersarneqassamaarput. Tassani aalajangersarneqassamaarput kisitsisitigut paasissutissat qanoq ittut nassiunneqartassanersut aamma qanoq akulikitsigisumik taamatuttaaq kisitsisitigut paasissutissat qanoq malinnaatinneqartassanersut nassiunneqartarlutillu. Pingaartumik paasissutissiissutigineqartassapput kikkut peqqussummut ilaanersut.

Nr. 19-imut

Imm. 1-imut

Aalajangersagaq nutaajuvoq, aalajangersagaq una malillugu ikiorsiisarnermut aningaasartuutit kommunalbestyrelsimit akilerneqartassammata, aningaasartuutillu peqqussutit atuuttut malillugit Nunatta Karsianit akilerneqartassallutik.

Kommunalbestyrelsit aningaasartuutiminnut Nunatta Karsianit ataatsimoortumik tapiissutinit aningaasatigut utertitsiffigineqartassapput.

Taamaalilluni peqqussut una malillugu ikiorsiisarnermut aningaasartuutit tamakkiisut kommunalbestyrelsinit akilerneqartassapput. Taamaalilluni Kalaallit Nunaanni annertuumik innarluutilinnut kiisalu Danmarkimi inissinneqarsimasunut, Kalaallit Nunaanni ulloq unnuarlu paaqqinnittarfinni inissinneqarsimasut ilanngullugit, imaluunniit Danmarkimi ulloq unnuarlu paaqqinnittarfinni inissiisarfinniluunniit allani inissinneqarsimasunut, ikiorsiiniutitut aningaasartuutit kommunalbestyrelsit akilertassavaat. Aammattaaq peqqussut una malillugu allaffissornikkut aqutsinermut aningaasartuutit kommunalbestyrelsit akilertassavaat.

Imm. 2-mut

Aalajangersagaq nutaajuvoq. Aalajangersakkakut aalajangersarneqarpoq Naalakkersuisut inunnut annertuumik innarluutilinnut angerlarsimaffiit sanaartornerannut ingerlanneqarnerannullu tapiissuteqartarsinnaanerit.

Aalajangersakkap meeqqanut inuusuttunullu ikiorsiisarneq pillugu peqqussut malillugu aalajangersagaq assingusoq assigaa.

Piviusut tunngavigalugit kommunimi annertusisitsinissamut pilersaarutit kommunalbestyrelsit ukiumut ataasiarlutik nassiuttassavaat, tamatumalu kingornatigut kommunimi ikiorsiisarnikkut sullissiveqarfinnik annertusisitsinissamut tapiissuteqarfigineqarnissaq pillugu kissaatigineqartut nassiunneqartut qanoq annertutigisumik aningaasaqarnermut inatsimmut ilanngunneqassanersut Naalakkersuisut isummerfigissavaat.

Nr. 20-mut

Aalajangersagaq atorunnaarsinneqarpoq, pisariaqanngimmat.

Nr. 21-mut

Aalajangersagaq atorunnaarsinneqarpoq, pisariaqanngimmat.

§ 2 pillugu

Inatsisartut peqqussutaat manna 1. juli 2010-mi atortuulissasoq siunnersuutigineqarpoq.

Tamatumunnga atatillugu aalajangiinerit 1. juli 2010 sioqqullugu aalajangiunneqartut pillugit naammagittaalliuutitut suliat Naalakkersuisunit

qulaajarneqassapput, naammagittaalliuutitullu suliat 1. juli 2010-mit tamatumalu kingornatigut aalajangiinerit kommunalbestyrelsinit qulaajarneqartassallutik.